



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: UP-1/21-1-40-480-4/21
Datum: 24.11.2021. godine

«Agencija za vodno područje rijeke Save» Sarajevo rješavajući po zahtjevu pravnog lica „JORDAN CASTINGS“ d.o.o. Gradačac, za donošenje rješenja o vodnoj dozvoli za ispuštanje tehnoloških otpadnih voda iz proizvodnog pogona –proizvodnja rasvjetnih tijela različitih oblika, izgrađenih u ulici Sarajevska bb, općina Gradačac, na osnovu člana 139. stav (1) i člana 110 stav (3) Zakona o vodama («Službene novine Federacije BiH, broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99), donosi

RJEŠENJE

Odbija se zahtjev pravnog lica „JORDAN CASTINGS“ d.o.o. Gradačac, za donošenje rješenja o vodnoj dozvoli za aktivnost ispuštanja tehnoloških otpadnih voda iz proizvodnog pogona –proizvodnja rasvjetnih tijela različitih oblika, izgrađenih u ulici Sarajevska bb, općina Gradačac, zbog nepostojanja uslova za vođenje upravnog postupka.

Obrazloženje

Pravno lice „JORDAN CASTINGS“ d.o.o. Gradačac, zahtjevom broj: 140-01/21 od 12.10.2021 godine obratilo se ovoj Agenciji za donošenje rješenja o vodnoj dozvoli za ispuštanje tehnoloških otpadnih iz proizvodnog pogona –proizvodnja rasvjetnih tijela različitih oblika, izgrađenih u ulici Sarajevska bb, općina Gradačac.

U provedenom postupku dostavljena je i pregledana sljedeća dokumentacija:

A. Opšta dokumentacija

- Dokaz o uplaćenju administrativnoj taksi i upravnoj pristojbi;
- Ovjerena kopija Uvjerenja o poreskoj registraciji od 28.01.2019. godine, izdatog od strane Porezna uprava-Kantonalni ured Tuzla,
- Uvjerenje o registraciji broj 04/1-17-1-UPJR/1-67-2/19 od 10.01.2019.godine, Uprava za indirektno oporezivanje Banja Luka,
- Rješenje o odobrenju za upotrebu br. 06/1-23/3-3406/17 od 15.02.2018. godine izdato od strane Službe za urbanizam, investicije i komunalne poslove, Općina Gradačac,
- Rješenje o odobrenju za upotrebu br. 06/1-23/3-462/12 od 21.06.2012. godine izdato od strane Službe za urbanizam, investicije i komunalne poslove, Općina Gradačac,
- Rješenje o vodnoj dozvoli izdato na ime pravnog lica „TMD DOMMERS LIGHTING“ d.o.o. Gradačac broj: UP/I-25-3-40-632-4/11 od 16.01.2012. godine izdato od strane «Agencije za vodno područje rijeke Save» Sarajevo,
- Uvjerenje o priključku na vodovodnu i kanizacionu mrežu broj: 02/1-393/2020 od 13.03.2020 godine izdata od strane JP „Komunalac“ d.d. Gradačac;
- Potvrda o priključku na vodovodnu i kanizacionu mrežu broj: 02/1-630/21 od 13.04.2021 godine izdata od strane JP „Komunalac“ d.d. Gradačac;
- Ugovor o sakupljanju, skladištenju i zbrinjavanju opasnog otpada broj: 075-01/21 od 20.01.2021 godine zaključen sa „KEMEKO-BH“ d.o.o. Lukavac;
- Izveštaji o monitoringu kvalitetu i kvantitetu otpadnih voda, urađeni od strane „Institut za hemijsko inženjerstvo“ d.o.o. Tuzla, oktobar 2020 godine i oktobar 2021. godine.

B. Tehnička dokumentacija

- Glavni projekat prikupljanja, tretmana i ispuštanja otpadnih voda sa lokaliteta preduzeća „JORDAN CASTINGS“ d.o.o. Gradačac urađen od strane „Rudarski institut“ d.d. Tuzla, april 2021 godine,
- Revizija Glavni projekat prikupljanja, tretmana i ispuštanja otpadnih voda urađena od strane „TZI-inženjering“ d.o.o. Sarajevo

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari i u skladu sa članom 12. Stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH», br. 31/15, 55/19 i 41/20), izvršen je obilazak predmetne lokacije i tom prilikom sačinjen zapisnik o uviđaju broj: UP-I/21-3-40-480-2/21 od 19.11.2021. godine.

Uvidom u dostavljenu dokumentaciju i izvršenim uviđajem na licu mjesta može se konstatovati sljedeće:

Lokacija poslovnog objekta se nalazi u industrijskoj zoni u Gradačcu.

Snabdijevanje vodom predmetnog poslovnog objekta se vrši putem priključka na gradsku vodovodnu mrežu.

Osnovna djelatnost firme je proizvodnja rasvjetnih tijela različitih oblika (osvjetljenje škola, proizvodnih hala, bolnica, skladišta, tunela i sl.).

Osnovne faze u proizvodnji su: prijem sirovina- limenih ploča, mehanička obrada operacijom sječenja i operacijom štancanja, mehanička obrada lima savijanjem, varenje djelimično obrađenih limova, probijanje otvora na sistemu ekscentar presa.

Kao gorivo u kotlovnici se koristi plin.

Osnovne faze u lakirnici su: odmašćivanje i priprema dijelova za farbanje, sušenje suhim zrakom na oko 180° C, farbanje suhim postupkom, polimerizaciono pečenje farbe. Postupak farbanja se vrši u zatvorenom sistemu.

U svim prostorijama su urađeni vodonepropusni podovi. Čišćenje radnih prostorija se vrši suhim putem.

Tehnološke otpadne vode koje nastaju u lakirnici u postupku odmašćivanja i ispiranja se odводе na vlastito postrojenje za tretman tehnoloških otpadnih voda. Prečišćene otpadne vode ispuštaju se u gradsku kanalizacionu mrežu kojom upravlja JP „KOMUNALAC“ d.d. Gradačac.

Postrojenje za tretman tehnoloških otpadnih voda sastoji se od sljedećih cjelina: tretman tank, jedinica za neutralizaciju, jedinica za flokulaciju/koagulaciju, jedinica za sedimentaciju, spremnik mulja, filter presa, jedinica za završnu pH kontrolu.

Izveštaji rezultata ispitivanja kvaliteta tehnoloških otpadnih voda iz predmetnog proizvodnog objekta, za mjesec oktobar 2021 godine, urađeni od strane „Institut za hemijsko inženjerstvo“ d.o.o. Tuzla, za parametar ukupni fosfor, nisu u skladu sa vrijednostima definisanim Uredbom o uslovima ispuštanja otpadnih voda u okoliš i sisteme javne kanalizacije.

Kruta faza sa filter prese-filter kolač se sakuplja u namjenskim posudama i odlaže kao opasni otpad te konačno zbrinjava od strane ovlaštene firme.

Otpad koji nastaje u mehaničkoj pripremi (špena i aluminski otpad) se prodaje kao sekundarna sirovina.

Za priključak predmetnog objekta na javnu vodovodnu i kanalizacionu mrežu Investitor je pribavio saglasnost operatera JP „Komunalac“ d.d. Gradačac od operatera koji upravlja istim i uslovima koje je obavezno poštivati.

U konkretnom slučaju se radi o ispuštanju tehnoloških otpadnih voda u javni kanalizacioni sistem kojim upravlja JP „Komunalac“ d.d. Gradačac, te shodno odredbama Zakona o vodama i Pravilnika o sadržaju, obliku, uvjetima, načinu izdavanja i čuvanja vodnih akata, za predmetnu aktivnost nije potrebno pribaviti vodne akte od strane ove Agencije.

Ukoliko davalac usluga, tj. „Komunalac“ d.d. Gradačac, a u skladu sa članom 28. Pravilnika o sadržaju, obliku, uvjetima, načinu izdavanja i čuvanja vodnih akata uskrati pružanje usluga za ispuštanje tehnoloških otpadnih voda sa predmetnog lokaliteta u javni kanalizacioni sistem, vlasnik ili korisnik predmetnog objekta je u obavezi pribaviti odgovarajuće vodne akte, a sve u skladu sa članom 139. stav (1) tačka 3. Zakona o vodama.

Imajući u vidu navedeno i na osnovu utvrđenog činjeničnog stanja, a u skladu sa članom 200. stav (1) Zakona o upravnom postupku, članom 139. stav (1) Zakona o vodama, riješeno je kao u dispozitivu ovoga Zaključka.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema zaključka.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Ahmedić Behija, dipl.inž.tehn.

**Po ovlaštenju
Rukovodilac sektora za
izdavanje vodnih akata**


Haris Ališehović, dipl.inž.građ.

Dostaviti:

- „JORDAN CASTINGS“ d.o.o. Gradačac, Sarajevska bb, Gradačac
- AVP, ISV – Vodna knjiga
- Sektor 40, arhiva
- Sektor 50
- ⊖ Oglasna Tabla AVP Sava Sarajevo